

通語郅支郅支素恐又怨烏孫聞康居計大說師古曰說讀曰

悅遂與相結引兵而西康居亦遣貴人橐它驢馬數千

匹迎郅支郅支人眾中寒道死師古曰中寒傷於寒也道死死於道上也。宋

祁曰景本無馬餘財三千人到康居師古曰財與纜同其後都

護甘延壽與副陳湯發兵即康居誅斬郅支師古曰語即就也

在延壽湯傳郅支既誅呼韓邪單于且喜且懼上書言

曰常願謁見天子誠以郅支在西方恐其與烏孫俱來

擊臣以故未得至漢今郅支已伏誅願入朝見竟寧元

年單于復入朝禮賜如初加衣服錦帛絮皆倍於黃龍

時單于自言願婿漢氏以自親師古曰言欲取漢女而身為漢家婿元帝

乾隆四年校刊

前漢書卷九十四下

匈奴傳

七